

肉


麥

肋

藏

廣成先生玉函經
脈經

江蘇古籍出版社



廣成先生玉函經

江蘇古籍出版社

四庫未收書提要

擘經室外集卷四

玉函經一卷提要

唐杜光庭撰光庭字聖賓括蒼人王建擬蜀除諫議大夫進戶部侍郎歸老青城山此書銜稱特進檢校太傅太子賓客主管徽國公殆建時加授也書中辭簡義深黎民壽注亦多發明是書藏書家皆未著錄錢曾讀書敏求記載有光庭了證歌一卷又與此異惟明人殷仲春醫藏目錄曾載是冊列之無上函中此從宋刻影寫

廣成先生王函經并序

傳真天師持道檢校太傅李廣客書臺學士戶部侍郎徽國廣成先生杜光庭

盱

江

水

月

黎民壽

醫門廣博脉理元微凡捕診候之流多昧死生之理儻
精心於指下必馳譽於寰中可療者圓散宜投難起者
資財慎取免沉聲跡圖顯功能余幼訪明師徧尋奇士
粗研精於奧義敢緘秘於卑懷謹傍難經略依訣證迺
成生死訶訣一門非敢矜於實學欲請示於後昆者焉

生死訶訣上

切脉定知生死路但向止代瀋中取

內經云切脉動靜而視精明察五色觀五臟有餘不

足六腑強弱形之盛衰可以參訣死生之分代者止也一臟絕他臟代至爲真死脉不分三部隨應皆是瀉者參伍不調如雨沾沙爲精血不足之候二脉相似善於診者當以脉之動止定人生死也

看取瀉脉喻止代此是死期之大槩瀉脉喻外有形證未可斷他殂大命若無形證與代同尺部見之皆死定素問曰代難經曰止二義同也脉應指滿五十動而無代則五臟之氣通布不窮矣夫氣有所遏則脉止焉動而或止則其行無所至故難經云脉不滿五十動一止則吸不能至腎至肝而還也知腎氣先盡矣夫五臟有氣者生五臟無氣則死瀉細而遲往來難

時一止爲精血不足之候與代脉相似然三秋胗得
瀉而有胃氣爲秋平脉右手寸口浮短而瀉爲肺正
脉旣非死脉亦非病脉也若尺寸脉俱浮緊而瀉外
證必發熱惡寒頭疼項強腰痛以至牽連百骨節俱
痛太陽經傷寒也汗之而愈舉此數端則知瀉脉代
脉不可例言也故云喻外有形證意極幽明學者當
三思尺脉者人之根本也脉有根本人有原氣故知
不死瀉爲精血不足之候若獨見於尺中則爲死候
與代同也

欲知死期何以取古賢推定五般土陽土須知不過陰
陰土遇陽當細數四季中央戊己同萬物憑土以爲主

孤陽寡陰即不中譬取鰥夫及寡婦

五土者以氣候言之也凡人身五行與天地惟一以天地論即人身可知天地人三才既可知即萬物可知矣五行既通無所不往且如立春節後五日東風解凍此乃五日五行足一候變也又五日蟄虫振又五日魚上冰三五一十五變三才五行足即雨水節也一年七十二候凡遇五日即一候變土足也五日未足土之未來候不變也如此一年七十二日土可見也五日雖五行足而候不變者土氣不全即一候生災若人身一候不調即百疾生五日五行所謂五土者如此夫四時一歲日日有土百骸九竅處處有

土十千十二支四維方方有土即蕩蕩然太虛之外
載於毫釐朕兆者皆有土焉萬物王由土而出萬物
休由土而歸四時各有一季月春屬木至三月木王
極木之還氣故三月爲季辰土木之休也夏屬火至
六月火王極火之歸神故六月爲季未土火之休也
秋屬金至九月金王極金之還元故九月爲季戌土
金之休也冬屬水至十二月水王極水之反本故十
二月爲季丑土水之休也五行相生而成歲春木也
木生火故季春木休而變夏夏火也火不能生金故
於小暑之後丙丁退聽逢庚即伏乃於火中生生土
土生金而變秋候秋金也金生水故季秌金休而變

冬冬水也水生木故季冬水休而變春此乃土在四
時之中天有五星鎮位乎中地有五嶽中嶽居中人
有五臟脾主中州五土既皆居中故知萬物之中四
時之中七十二候之中皆以土爲主也天若失土則
萬象亡次序而不能圓覆於上地若失土則萬物無
變化而不能軫載於下人若失土則隨稟受不備也
以此數論則知天地萬物皆以土爲要論有陽土有
陰土艮爲陽土而坤爲陰土艮者東北之卦也時爲
十二月正月之交萬物之所成終而所成始也坤者
西南之卦也時爲六月七月之交萬物盛極還元氣
歸神伏也一陽生於子六陽極於巳一陰生於午六

陰極於亥四月陽土育生萬物至此無乎不盛而土力已衰絕矣故曰陽土須知不過陰也十月陰土收藏萬物至此不生不化而土力將旺矣故曰陰土遇陽當細數也內經曰陰陽者天地之道也老子曰萬物負陰而抱陽沖氣以爲和易係辭云一陰一陽之謂道大抵陰無陽不生陽無陰不長陰陽和合則生生化化之道不窮矣陰與陽相離則生生化化之理絕矣孟子曰老而無妻曰鰥老而無夫曰寡孤陽純陰者與鰥夫寡婦之義同也

假如申年腎代止十投一歲分明主尺部失主鬼稱尊其人子年夏季死

老陽之數極於九老陰之數極於十十動應一臟者陰陽之數完矣紐而計之五臟氣備則脉滿五十動而一止也若脉應指不滿五十動而一止者一臟無氣其人不越五歲而死假如申年胗得脉不滿五十動而一止者腎氣先盡也則至子年夏季而死明矣尺部脉絕主本不固鬼賊稱尊應期而死

鬼賊脉在一年內此事人間盡稱會春得肺脉死庚辛愚者反嫌藥不對叔和詞訣論精微但向其中尋取義四時之脉應其時者爲從勝其時者爲逆內經云脉從四時謂之可治脉逆四時爲不可治所謂逆四時者春得肺脉夏得腎脉秋得心脉冬得脾脉也假如

春得肺脉死在庚辛者肺金刑於肝木也

尺部伏侶樹無根陰毒傷寒合其類回陽着艾後仍看切骨若無堪下淚

難經云人之有尺譬如樹之有根脉有根本人有原氣故知不死尺部伏而不動譬如樹之無根矣陰毒傷寒脉必沉伏宜以桂枝甘草乾薑附子辛甘之劑仍灸關元氣海令陽氣復回若服前熱藥加之灼艾脉轉沉伏者死

若人六脉動搖搖又怕其中無胃氣

五行有眞土有僞土眞土者神而無形僞土者質而有相欲求有相之質不若探無形之神明無識有者

得真土也夫脾爲土質而有相胃爲土神而无形察
動知靜見形識神者得土也有形無神雖動失靜者
行尸耳盖神離氣脫也故內經云四時皆以胃氣爲
本而定齋云六脉无胃氣則不能生且如弦脉屬木
應肝於時爲春若但弦而無胃氣者肝死也後輩徒
知方弦而不知弦中無胃无是知其形而不明乎神
也一脉無胃則脉神去也則一脉絕矣若三部九候
之中不見土者人已入墓矣豈特以右手關上脾部
有土也

屋漏雀啄惡見脾餘部見之皆不畏死期常例有多門
彈石解索須細論此候不逾於一季姻親泣送葬孤墳

鰈游若也及魚翔一氣之期即不長十五日中尋鬼賊
水一火二木三量金四土五數已實各隨部位好參詳
內經云脾者土也孤藏以灌四旁者也善者不可得
見惡者可見如雀之啄如水之下漏者是脾之衰見
也蓋脾脉以和柔沖虛為臍則如雀之啄者為不及
如水之下漏者為太過張長沙云太過可恠不及亦
然腎者水也位應北方於時為冬脉當沈石然石而
有胃氣為腎平脉曰應四時彈石之脉堅而促搏而
絕喻如指彈石辟辟然堅而不可入故曰彈石此真
腎脉見也胃氣先絕真脉獨見命本已喪何可久也
解索之脉如繩索之解而無收約此腎與命門氣皆

立形枯體竭爲死脉也鰕遊之脉宛如鰕遊於水面
隱隱而來瞥然而去再再尋之杳然不見須臾復至
忽爾還去病應覓魄飛揚而形獨存但略有少穀炁
而無所附托也魚翔之脉宛如魚遊於水面但其尾
掉搖而身首俱不動主腎與命門俱絕也水一火二
木三金四土五者此五行之生數也以上恠脉看與
何部應動以五行之數期以日而死矣

每季土王十八日此法古今永無失黃帝一法四分三
一法亦云三十日隨分遠近各不同藏在王函誇祕密
土無正形寄旺四季是則立春節後肝木王七十二
日立夏節後心火王七十二日立秋節後肺金王七

十二日立冬節後腎水王七十二日脾土則寄旺四季月後各一十八日也此亦大法或又謂土王在辰戌丑未月各三十日或謂土王在立春節後一十八日或謂土王在每一季九十日內一十八日戊巳或謂四時以季中十八日如此異論孰爲確然予嘗觀常容先生隱篇曰土之形無乎不在明土之形識土之神者得土之盡矣是妙豈可以言宣筆陳其岸哉無以爲初學之進故於前注論土之詳矣

唯有傷寒取無定汗吐下後脉須靜忽然相反即難醫外邊有怕垂形證

傷寒者古謂之大病其生存亡在乎旬日之間傷

寒之爲病自背得之則入太陽或入少陰自面感之則入陽明之類脉理難辨又况傷寒看外證爲多未
脛先問取爲有準評熱病論曰熱病汗出輒復熱而
脉躁疾不爲汗衰狂言不能食此名陰陽交交者死
也今脉不與汗相應其死明矣故曰已汗已下已吐
後脉須平靜也

脉息至少冷虛備至多熱壅非爲怪補虛瀉實更仍前
見此分明還可駭

脉來一呼再至一吸再至不大不小則陰陽各當其
分而不相勝也故曰平人減之法曰不及爲虛爲冷
加之法曰太過爲實爲熱素問云邪氣盛則實精无